

約章成案匯覽

第五冊
函

約章成案匯覽乙篇卷三十九目錄

成案

圖法門

附各國貨幣名目價值表

外務部咨新鑄銅錢應按英約第五款一律辦理文

光緒二十九年

約章成案匯覽乙篇卷三十九

成案

圖法門

附各國貨幣表

外務部咨新鑄銅錢應按英約第五款一律辦理文

光緒二十九年

為咨行事光緒二十九年九月初三日據總稅務司申稱蕪

湖關稅務司墨賢理詳現由本省鑄錢局發出新鑄銅錢三

種即五文一枚十文一枚二十文一枚者此項銅錢應否照

平常銅錢辦法如欲出口先在此口繕具保結俟到彼口時

由稅務司查驗蓋戳於六箇月內繳還本口註銷以免私運

外洋等語總稅務司查善後條約第五款載明銅錢此口運

彼口應如何具呈保單信據定限繳回等辦法新鑄銅錢雖與定約時之銅錢不同仍係同類之物似應一律辦理請酌示等因本部查銅錢一項無論新式舊式均關民用自應於出口時一律稽查以防私運除剴復外相應咨行

貴大臣查照轉飭各關監督一體照辦可也須至咨者

右咨南洋

各國貨幣名目價值表

國名		金	銀	銅
英吉利	鎊	合二十先零	先零	邊尼
			值十二邊尼○一作喜令	值四花丁 一作本土
法蘭西	拿破侖	有值百佛郎二十佛郎 十佛郎各種	佛郎	生丁
			值百生丁○一作法郎 又作福蘭格	有值十值 五兩種
俄羅斯	圖克	有值三羅布與五羅布者	羅布	弋比
			值百弋比○一作盧布 約合英三先零	
德意志	圖克	值十碼克	碼克	分尼
			值四分尼	
奧斯馬加	沙而勒	值三碼克	格羅聖	克羅次
				鄭作紐 扣而哲
	穀爾敦	值八福鹿林○一作沽 而敦	福鹿林	
			值百克羅次	
	克隆	金錢最大者值英金一鎊 十先零三邊尼一作喀郎		
	西哀	值十賴○別有加列那值 英一鎊十先零餘	賴	同法國
			值與佛郎等○一作利而	
意大利				

西班牙

愛斯固度

值十兩列阿

秘西笊

值四兩列阿

馬佛

較法生丁弱

畢斯他

合英十六先零九邊尼

而列阿

合英九邊尼又二分之一

荷蘭

穀爾敦

值十福鹿林○鄭譯作結利特

福鹿林

值百及貳亦名穀爾敦

及貳

葡萄牙

克隆

值十密來司

密來司

值千兩雷○一作密耳黎司

而雷

丹馬

克隆

值銀克隆十

克隆

值百寫耳○鄭譯作列斯大拉

寫耳

瑞典挪威

同丹馬

瑞士

同法國

比利時

同法國

土耳其

鎊

值百畢阿斯得當英十八先零鄭譯作賴而拉

畢阿斯得

當三先零四邊尼

畢阿斯得

二邊尼餘

希臘

同法國

託拉克邁

值百來布答

來布答

同生丁

埃及

鎊

值百畢阿斯得○合英金一鎊三邊尼

畢阿斯得

值十密陵姆

密陵姆

美利堅

意格而

有值二十五三打拉或兩打拉半者

打拉

有值百生忒五十生忒二十生忒各種

生忒

墨西哥

秘瑣

值銀幣十

秘瑣

即中國所云鷹洋值百仙塔務約合英二先零

仙塔務

巴西

密來司

值銀幣十

密來司

合二先零三邊尼鄭譯作密勒

同葡萄牙

秘魯

沙而勒

值銀幣十○合英金一鎊十九先零七邊尼

沙而勒

有值百生丁與五十生丁者

生丁

智利

笄勃羅

值五秘瑣

同墨西哥

波斯

託曼

值十雞蘭

雞蘭

值二十沙喜一作噶蘭

沙喜

值五十對捺

暹羅

體格爾

約合中錢二百文五體格爾合洋銀二圓

用英國錢

印度

摩呼

值十五魯秘

魯秘

值十六阿那○合一先零八邊尼又三分之二

阿那

謹按各國幣制輕重不同而各有其本位英以鎊計贏縮隨時其中率大約

重一錢八分英現握天下商權得以壟斷他國故市上金鎊極昂法比瑞西之佛郎希臘之託拉克邁其重統約一錢四分強德以碼克計約一錢七分弱俄以羅布計約五錢奧以穀爾敦計約三錢三分強意以賴計約一錢四分四釐葡以密來司計約七錢七分三釐強土以畢阿斯得計約三錢西班牙以祕西筭計約一錢八分又以而列何計約五分丹以克隆計約三錢八分荷以穀爾敦計約二錢八分強瑞典以列斯大拉聖克隆計約二錢巴西以密來司計約三錢八分美以打拉計約七錢三分秘以沙而勒計約七錢墨

西哥諸國以祕瑣計即七錢二分之銀錢即中國所云鷹洋者也至泰西各

國多以金為本位英鎊漲落尤屬無恒近年以來大率有漲無落表中所合

猶前數年之值非恒價也大抵用金之國金價漲銀亦因之而昂

尋常約金一兩當銀

十六兩

以金銀相當有定值也用銀之國所損多矣又按各國幣名皆有取義如法之拿破崙以王名名之也穀爾敦賴皆權數沙而勒者譯言太陽以其錢有日文名之克隆者譯言玉冕以錢面鑄玉冕也凡若茲類皆非無取聊以示例不備舉焉

[illegible]

約章成案匯覽乙篇卷四十上目錄

章程

郵電門 郵政類

外務部咨郵政司專擬華船遞送包件辦法章程文 光緒三十年

鐵路大臣胡咨郵政司另擬火車郵遞包件節略章程文

光緒二十九年
附章程

津榆鐵路總局詳覆核議郵政局各項包件由火車運送章程

光緒二十八年
附章程

津榆鐵路總局詳覆遵議郵政司所擬包件由火車運送章程

光緒二十九年

[illegible]

約章成案匯覽乙篇卷四十上

章程

郵電門

郵政類 謹按郵電二門實係內政惟間有與各國交涉者不能不載以備查考其餘通行之章程與外交無涉者概不登錄以清界限

外務部咨郵政司專擬華船遞送包件辦法章程文

光緒三十年

為咨行事光緒三十年四月二十六日據總稅務司申呈以

郵政關係緊要洋人船隻既以未訂專條不便強使代運所有華輪行駛內港自應急定專章俾飭遵守而重郵政當經本部創行總稅務司查照擬章申復去後茲准復稱遵擬專章一條作為光緒二十四年六月初八日續訂華洋輪船駛

赴中國內港章程內第二條後之補條即與原章一律照辦
無異嗣後華船入港之關牌無論已發未發者均應由各該
稅務司將此補條刊印其上以便有所遵循所有遵擬專章
開列於後

一凡華輪均有代運郵袋之責成其行駛內港者一領准入
內港之關牌即應代運郵政信袋分交路經各局每值行駛
往來遇有郵局處所即須赴局聲報以便隨時交接郵袋不
致有誤除帶運包裹分量較大者如何發給水腳由各該郵
政局按公平運費核給外所有尋常郵袋訂明不給運費其
代運郵件各華船不得私帶信函並不得擅帶他局郵件至

專責寄帶之郵件亦須格外加慎如有損失遺落違章等事
仍惟該船是問或罰辦或將入港關牌撤銷隨時酌情定辦
以昭鄭重

以上專章一條請酌覈轉飭遵辦等因前來本部查總稅務
司所擬專章於郵政不無裨益除劄行總稅務司轉飭各關
稅務司遵照外相應咨行

貴大臣查照轉飭各海關道遵辦可也須至咨者

右咨南北洋

鐵路大臣胡咨郵政司另擬火車郵遞包件節略章程文

光緒二十九年
附章程

為咨會事本年正月二十四日准

外務部咨開郵政推廣應與鐵路會同辦理一事前據總稅務司申送章程四條當經本部咨行管理蘆漢鐵路大臣及貴大臣查核在案嗣據先後咨復並另擬章程前來本部當將所擬章程劄行總稅務司妥議申復以憑核辦茲據總稅務司申復蘆漢北路監督所擬辦法甚屬妥協應請照辦至關內外鐵路總局所擬各節已交郵政總辦帛黎詳核據復云原擬每擔收運費二元一節礙難辦理又郵局備具聯單交站長簽字一節亦屬礙難照行並將應如何辦理之處另備節略呈送前來伏思郵政原係中國之事且係奉

旨飭辦之件無論官民自應和衷聯絡以期裨益國民關內外總局所擬亦係和衷共濟之意惟郵局信包必俟臨時急速封固於開車時立即運送焉有餘暇備單候驗簽字且各信件到車並非責成管車人收發本局另有押運之人執掌同去所擬各節未免瑣屑費時在輪船時尚屬可行輪車則萬不可照擬辦理至每擔信包繳費二元之多郵局進款亦實難於應付似應照蘆漢總局所擬一律辦理果至需用專車之時亦自不難另訂車價除將該總辦所備節略照錄一分呈閱外理合申復貴部鑒查轉飭另議等因查郵政推廣由鐵路遞寄一事必須章程劃一方易遵行來咨所擬章程大致